

張文定公四友亭集

張文定公四友亭集卷之五

五言絕句 三十四首

畫菜

偶爾解朝衣春田菜正肥

聖朝多雨露免采首陽薇

畫竹

忽謾下瀟湘歸飛白玉堂卷阿風動處聽爾嘒朝陽

夢諼

爲包
王柳

春事落花盡背寒幽夢孤忽醒人不見江月鳥鳴鳴
假寐枕蒼苔幽諼恍復開分明見顏色不與夢俱回

陳相士彌桂軒索題

仙桂有幽馥根柯迥自奇
相人須識此莫待已開時

題畫石

默默在龔俗萬年長獨新
冥思天地裏誰復古心人

迎暎十景爲陳體坤賦

和東塘
韻十首

龍泉瀉碧

泉出朱陵洞搖空碧練長
洗心并洗耳塵俗坐來忘

鷺嶺呈青

鷺嶺三千仞迢迢入紫冥
峯領雲欲飛去嶺樹長青青

漁歌浦口

攸江碧繚遶烟竹四時清鼓柁漁翁去風傳浦口聲

樵語山均

睡足東窓下乾坤總是多錯均誰對語清露落松柯
城鼓傳更

空谷夜沉沉星河掛水陰世人長醉寐誰悟獨醒心
寺鍾催曉

萬壑高秋盡晨鍾鷺自聞冷然一深省紅日抱溪雲
東市浮烟

樹深烟復翠沙市小溪東簾捲鷄聲月旗搖鴈影風

西溪浴月

西溪本清淺明月漲天深况復輝冰玉清商奏綺琴

松聲響玉

松壑晝哀號平空駕海濤釣天長自足爲爾戀江皋

苔色上衣

庭虛舍宿雨巘古遍蒼苔偶著荷衣出牽他綠上來

乍霽群峰吐雲感懷

萬疊峯如削峯峯生白雲久陰纔見日莫使更氛氲

江行即事

四首

饒河兩月涸客至適通船人語疑鄉國鴻飛感歲年
沿山山不斷江上一帆輕積雨寒流急汀汀水碓聲

一杼編五竹灘淺上如飛筐滿鷓鴣懶沿流日暮歸
天寒鳥依人山青竹當戶陰雨迷晨昏炊烟報溪午

安居八詠

八首爲
林父題

扶藜杖

槎川霽風日散步出林臯青藜五尺杖與我俱逍遙

洗愁盃

長戚竟何益洗心盃酒中誰知一醉裏萬古皆春融

去棘鋤

長鑿不去手荆棘隨處有明朝出門去莫碍尋花柳

掃塵箒

斗室天下同神清曠無埃安得乘長風萬里驅塵滓

對客棋

引客上西樓澹然對楸枰誰知妙籌弄都不計輸贏

課孫筆

課子喜成章課孫看宛壁貽此一管城於中富金壁

吟詩榻

短榻北窓下依依散花陰清詠人不聞天風吹羅襟

玩物臺

俛仰鳶魚間天空綠雲閒無言對羲皇羲皇自開顏

雪竇山行

四首

望望天台山高岑控予馬道遙鶴上仙聯翩度青野
二百八十峯峯峯含紫霞不是漁翁侶焉迷洞口花
捫蘿陟層崖立杖蒼烟裏三韓不見人風吹大洋水
金峨山上雲雲竇峰頭井井深雲不歸遙空度清影

溪口雨別江翁

下山偏畏疾溪雨夕滂沱莫愁沾濕苦道爾白雲凝

五言律體 五十一首

郊齋次久菴宗伯韻

晝永嚴無斃庭虛戒有臨青陽新歲德精意格天心織
月春垣淨踈星曙閣沉 鑿輿肅明發瞻望感微吟

九日院宿

玉署逢重九秋花傍苑墻天涯來弟姪客底似家鄉
槁葉池魚響深松海鶴藏院虛宮漏永跌坐月微茫

九日翰院宿齋

帝嚴宗祀典臣祓駁奔心天界堂開玉仙扉菊漏金物
華浮御氣星彩煥詞林

聖孝通玄極明棗擬降歆

無逸殿夜直

銀漢澄芝苑寒空旅雁高直廬無退食禁御有分醪
蠟開龍勅雕床震蟒袍傳宣當未漏敷對更濡毫

送鄒東郭學士之南京掌翰

十載一相見春風又別筵
雲霄飛鶴駕江漢動奎躔
已悟心齋汰誰煩道一編
王亭秋澹寐開闔任吾玄

送貳守張君之任開州

大任殘雪裏風物正凄凄
目送孤鴻去行看五馬齊
對床懷玉署揮鋏下金隄
赤子憑留計青雲自此梯

賀桂洲閣老西苑祀歸二首

祀典嚴王社條風豫晚和
雨露窮谷遍春入御園多
拂曙鈞天樂喧晴擊壤歌
禮成山鬱律官樹隱星河
明燄隆報祀芳草泚陽和
敘典昌時備韶華籙宿多爐

烟縈霽景林鳥侑工歌祠罷搖歸珮春風颭玉河

駕祀山陵王溪少宰守正陽門在詩次韻三首

橋陵修舊典郊牧視春畊澤遍粉榆社光生劔履城塵
埃空雨霽雲日護天行白髮銓曹裏尸居愧

聖明

大孝隆時享諸司肅上供揚旌風伯候馳道雨師從瑞
氣籠春殿前星燭曙峯城臺坐無事畿甸總堯農駕以二月

廿四日出廿八日第四
皇子生故有前星曙峯之句

龍德昭無外鑿興出有時展陵繩祖忝視膳悅坤

慈行殿春催柳齋壇雨秀芝年青叨法從頭白念恩

私

秋堂試士和張王溪少宰韻二首

白日開華省高槐奕葉多敷言修舜典祝士見殷羅筆
信三冬思功看九叙歌獨予慙陸相柰爾俊髦何
朝回入東省雲日傍龍樓鶴擬三秋奮鵬看六月收道
高終峻績文益有深憂說命兼伊訓曾誰費隱求

又和宿碧雲寺之作

傍榻爐烟裊穿巖落照微溪晴雙鳥度巖暝一僧歸雲
卧衣裳冷天空筆翰飛夢醒鍾磬發蕉鹿是邪非

又和香山寺來青軒留題

萬松離立處似作上賓迎風磴偶獨憇山禽時一鳴錫
飛寧有迹杯度豈留情試問雲和水流行日幾程

輓姬惟晉秋官

湘江傳賦馬雲物亂愁思獻策悲齋志談經憶解順背
萱春色老梁月漏聲遲浙水同游地秋風冷桂枝

送李巨川

高蹤不可及羸馬過溪橋欲別青山暮相看白髮饒斷
煙橫遠浦急雨亂春潮望望僊旌盡鳥鳴雲樹遙

輓詩

片雲隨泊處膏雨定淋漓令德傳全薤清風滿路碑從

龍舟有待伴，雀去何之。漢水不西北，九江斜日時。

遊西山溪隱菴題壁

捫蘿覓溪隱，爰竹坐禪關。霽日樹頭樹，淡烟山外山。
橋窺爛熳入，谷聽綿蠻無限東。君意芳尊夜未還。

湘潭道中

自古有英皇，空勞客興長。亂雲迷楚堞，寒竹照清湘。
水面拖水老松頭，戴雪強冥鴻。霄漢物感汝，到衡陽。

樂性

駐楫月湖水，市城窺遠蹤。鳶魚時上下，花柳自橫縱。
院靜開秋局，窸虛逗曉鐘。歸來幸真叟，携酒欲相從。

冬日禠詠

次東泐林
韻十首

雲白蕪葭冷山亭盡日幽百年雙鬢萬古一塵流
隴樹知今臘籬花誤昨秋獨醒誰是侶湖上片峰悠
落葉打尊益空山酒自波九歌淒宋玉三易老田何赤
岍疎楊柳高檐響薜蘿歲寒心想絕朋舊已無多
草枯連野曠牛飽背童歸獨鷓鴣飢偏厲孤雲凍不飛松
風衰澗玉苔石曳寒衣霜白鳴瀉遠潭光澗竹扉
策名二十載強半謝風塵食力慙無補搜冥訝有神崔
郎仍愛客鄧禹莫嗤人欲出長疑雨鷓鴣在遠津
甬江茅屋下可以散寒芳山月窺簾小溪雲隋柳涼戲

賓頻杜舉歡毋獨萊裳莫話邊翁事年來一切忘
好峯三十六箇箇月明中潮落半江遂天空海外鍾桂
庭寒積翠楓澗煖流紅白石吾垂老桑弧感射蓬
地僻少人事柴門偶一開山農鑿穀去漁父賣鮮來物
色全歸竹霜威或貫苔路岐吾自諗不作阮生哀
鵠飛君不見豈是鷺鳩羣碧落九萬里長空膚寸雲池
輝鱗鬪錦沙跡鳥同文商也心無競行收戰勝軍
滿目悲生事玄陰梗夕輝對村燈焰冷穿幄笛聲微改
火仍通舊饒年半習非枉教啼絡緯勤織也無衣
此夕不能寐客行真到家寸心澄水鑑雙眼失空花溟

海逢夏律綿江憶聽笳大壚新釀熟一飲洗恒沙

和豐五溪先生 二首

巴雲愁萬里閩雨泣孤凰白谷成真隱青溪照古狂風
塵無脫屣宇宙有提綱寄語東瀛子南來許問航
京華吾弱冠蓮炬幾相親共是傾陽質今爲失路人竹
晴閒試筆松暝醉歌巾

帝德乾坤大行霑雨露頻

房村閘下阻淺

答屠東明
韵四首

河伯爾何在黃塵又烈風堪嗟今日路不與昔年同滿
飲事皆足浩歌心自通平成留禹績誰復續前功

望望舞雩近况茲春暮風臨流酒伴在登陸射夫同源
水渟還決人生塞是通五丁真自力一雨會收功
鳴禽變高柳捲幔流薰風歲月青銅紀山河碧樹同人
勞成相苦鄉遠夢魂通瓦缶饒賢聖愁來駿爾功
欲雨又不雨畏風偏得風枉教春色盡賴有可人同興
逸篇章好道謀肝膈通何時奠川嶽投老不言功

分水處阻淺有健婦走馬爲戲

宣尼去千載茲地亦巫風人事桑間類吾心柳下同烹
魴徒自美放鷓詎能通盱眙長流水何時奏汝功

前七年夢三汙先生聯舟北上今歲果會吳門

話此枉詩見寄次韻二首

幾年懷舊夢千里憶新談掛席來吳下鈎簾坐濟南
禪林昔登賞江月此歡酣自顧榆枋翼惟應附隼堪
落日阿城道薰風汶上山人心勞夢想天意與追攀
一別似隔世廿年非故顏相逢謾相慰尊酒水雲間

三汀以荆門復會作詩識喜次韻二首

澤國頻飛雪長淮榜越舟有緣終自合多病此俱瘳
詞賦波翻海風神月印秋少年交結者垂老幾綢繆
自咲踈狂甚窮通不顧渠隨緣關意馬乘興解腰魚
世業遺殘硯行資在券書十年吳會想今日并消除

臨清發舟沿途遲陸儼山不至

旅遇頻相失雲飛自遠山長疑隱汀曲忽似隔塵寰水
鳥衝沙際川雲逗席間歡娛莫終負頭髮兩俱斑

出濟寧柬李主簿

濟水炎蒸日異船此再經長堤萬柳碧平野數峰青往
事悲何極塵途鬢已星沿流人忽遠涼月墮醅醞

欲入巴峽久雨水漲不果改由夷陵新開山路

絕險

客子愁無路秋霖漲蜀川舍舟凌絕巘披棘渡寒煙俯
視雲如水翻疑地是天偶然逢帝謫直此了塵緣

鑽天坡

俗名鬼見愁

三日夷陵道山名鬼見愁鑽天危石磴握樹慄獼猴
母老慙分播官勞勝置涪病妻垂幼女燈火宿耕丘

夷陵山行至九灣絕糧

路險仍遭雨人疲又絕糧山花空的歷我馬自玄黃
草屋家家破秋田處處傷昔年羈宦者青史著歐陽

西菴雅會次韻酬良甫弟

三首

茅菴不受暑竹逕巧通風得偶歡娛地相看氣味同
年光備我老詩思總君雄一笑乾坤裏浮雲視上公

有廬環翠篠無地泄旋風樹長陰逾密人閒思不同
煙

波聊避俗雲路擬飛雄十載西垣草委蛇憶自公
掛幘水邊樹班荆松下風道緣千古合宗系百年同酒
向狂難醉詩乘樂更雄呼僧試杯渡誰復羨壺公

題丹桂螳螂捕蟬圖

林壑秋光冷仙香蒲桂枝捕蟬機太巧遭雀爾何知王
露侵詩骨金風泛酒卮焦桐君莫鼓方與蔡邕期
及門堂上客方鼓琴見螳螂
捕蟬邕聞琴有殺聲遽歸
蔡邕
赴招

題畫牛

碧樹肩斜日兒童縱寢叱均塘初注水平野正肥荷西
蜀青衣使南山短布歌

聖皇躬籍羅春雨萬煙寰

次韻答大司丞陸三汀年兄

我向南州日君依北斗尊
浮生萬萍跡清世兩橋門
侍禁元通籍懸河別有源
獨憐鄉國夢空復夢中論

送黃京兆之京

好雨蘇南國膏雲又北飛
秋回山色淨潮湧浪痕肥
汗竹應千古甘棠自兩畿
秉鈞知指日尊俎有光輝

西山汪氏積慶菴

衝雨入西巖松堂迥隔塵
烹泉汲巖骨劖筭扶沙屐細
柳千溪暝新禽萬壑春
故家文獻在散帙話前人

秋日孟有涯都憲東沙儀部宗州過予分韻詠

白菊 三首

碧山茅屋下可以翫瓊芳
入夜渾疑雪經秋不受霜
遶籬紛鶴駕當席舞瑤觴
老去心俱素相看到坐忘

晚色靜籬落澄空明素芳
寒銷銀燭影清奪劍鋒霜
十載驚雙鬢三秋共一觴
出門星月淡岐路總相忘

客思秋如練仙林玉作芳
雅色殊傾國雄姿殿拒霜
迎風依縞帶延月泛瓊觴
莫惜食英盡交情淡不忘

贈何積夫昆弟

君家好兄弟秋水出芙蓉
故國一相見春風千樹春
溪

晴雲隔寺山靜月流鍾短閣厭厭夜荆花入座穠

送陳司訓之龍里

萬里都城道憐君白髮新鳴琴邀漢月醜酒度相春
聖代多恩澤遐荒識縉紳會看衡岳雨重綠貴溪蘋

壽裘景行伯五十

艾景顏如玉韶華鬢未星舜江通海碧西嶼入天青夜
月蘭塔色秋風桂院馨季方辭建業絨句侑醅醢

贈恭甫弟

少小工文墨風標自不羣惟予愧瓌瑒幸爾邁機雲石
谷幽禽變江沙細草分別離無限思暫此對微醺

奉東軒外父

舊業添芸圃新恩換釋冠
春來詩興逸老去酒盃寬
雲影追仙屨潭光濺藥闌
莫看燕越遠竇桂此仍丹

東沙叔辱和便面詩次原韻

故人思解佩先達笑彈冠
得酒賓朋集吟詩衣帶寬
鴈書天外杳春事雨中闌
莫惜清寒甚黃金在點丹

寒食懷梁竹村先生

仙翁渺何處江水不容舸
酒詫楊雄薄詩催杜甫清
湘動雲竹赤堇輝蘭皋踈
雨歇寒食春空孤巘高

夢鶴

誰昔抱明月飄然羽化餘
鞬條思自脫寃夢與之胥
霄漢巢堪寄滄瀛石漫驅
華亭真自負千載爲悲吁

贈翠山賓僧

溪上翠山寺鳥鳴煙霧重
年華駐白石天籟出高松
夜月三韓境朝暉八面峰
清尊對蒼竹惠遠此追從

送嘉甫弟考貢之杭

好鳥掠平川輕舟別惠連
流雲江郭裏飛雨綠尊前
落筆光搖錦談經妙入玄
楚萍遺澤遠看爾一翀天

西川爲廷勳賦

時廷勳將
宦遊廣西

家世鄞城古儒聲泮水香
春添新雨露門掩舊滄浪
氣

逼琴書潤光搖枕簟涼
蒼梧亦佳景高咏度三湘

王原明舅雪夜入京見訪予適齋居詩以問之
京國夜飛雪王猷興獨吟
自憐羈宦跡轉似隔天涯
兒女悲如剗鄉園思若麻
爐熏對終日宮樹玉槎枒

東川爲陸子威親家賦

碧海紆東甬滄江絡鄞林
日華開萬壑雲影掠千岑
夜靜星搖練秋清月漾金
騰空忽膚寸寰宇徧商霖

蟠龍山

泗川
臨縣

上上山無極蟠龍却際天
飛空千白練俯地片蒼煙
樹杪層櫺繞雲端曲澗旋
神工真戮力回首混茫先

潞河解纜

萬里雲霄外，今朝得羽翰。
人生自跼蹐，世路本寬安。
帆勢凌秋急，烟光倚樹寒。
撫心知戰勝，懼骨未應歎。

渡楊子江

大江流不盡，此日一來過。
欲更登臨去，其如感慨何。
清尊延勝景，遠岫列澄波。
長嘯懷今古，乾坤幾不磨。

京口晚眺

宿霧迷瓜步，飛雲暗石頭。
長江一日雨，遠樹幾分秋。
碧海茫茫下，青山片片浮。
雲陽燈火近，南去是齊牛。

新店闌阻淺

四首

昨暮驚霆裏無端雨作
颯舟航千里積尊俎幾人同
淮海鯨波震高梁鳥道通
星槎如可借吾欲奏玄功
泉枯星宿海塵暗暮春風
老去心多阻年來事罕同
九重遙照只尺豈難通
忽報關梁啓行收水部功
巨艦來枯澤長帆空便風
江淮一鳥度鄒魯片雲同
酒甕尋常翻詩篇次第道
鸞鳩千里道披隼始知功
未作枯魚泣長懷破浪風
九河那苦節萬國此戚同
竚見玄圭錫行看白雉通
潘夫真自力石佛本無功

過關得風再次前韻二首

孟夏餘春色方舟濟上風
岍迴千樹迥天遠一尊同
打

鼓浮鷗起釣簾落照通汶川今夜景新月定專功
淺水俄成漲輕航更得風凌波鯨去急衝霧鳥來同卷
草池塘滿庭槐藥宿通有綠聯錦纜盃酒頌神功

途中雨雪彌月過王山喜晴

巴陵望晴景直向王山逢旭日噓寒谷殘雲露雪峰有
身經百鍊無意縮千鍾池上絲綸地回春在筆鋒

楊長史吏隱卷

岳麓塵如洗湘江興獨豪曳裾聞禮樂得意免鞵條舊
井聊仍賈秋花却稅陶長沙地卑濕閣足任吾高

次韻答惟靜妹

新月淨西墟清風聽竹枝
翻萍雙白鯉嚼樹對黃鸝
蒼
友傳佳報華宗寄好詩
四明文物地隨處得相知

和松臯太宰新秋對雨之作

天街積雨氣金火分低昂
鳳管含風細驪珠映骨涼
舟航戒水濶邊圍憚戎行
肉食長無補悲秋鬢早蒼

聽雨二首

歲寒江郭夜積雨傍人鳴
未漏沉沉思孤燈種種情
親朋凋欲盡圖史亂誰清
霽景開何日扁舟擬問程
羈懷不成寐夜雨復相侵
撫枕今霄淚褰幃故國心
閭閻知凍極湖海正雲深
鍊石天中補休爲宋玉吟

東林仲升五十雙壽

入座薰風細當堦舞鳳翔江聲催送酒山色媚開筵
德占遐慶高齡見宿緣金陵翹首處青鳥遞詩篇

思親樓

為問在
功陸

思親不可見樓閣坐妻其白日看衣線清霜憶履綦
江雲飛杳渺隴樹碧叅差映壁牙籤冷傷心月滿卮

壽楊孺人

幽堂榮淑景膏雨拔龍孫芳草悲游子春風慰倚門
雲開山入座潮長月臨尊九瞻他年意終看被渥恩

贈別質甫弟

與爾連枝樹清才更可憐雲霞鷄閣酒風雨李溪船客
思青山夕親知白髮年明朝江上別花鳥媚晴川

書扇寄十八弟

與爾連枝樹天涯入夢頻雨晴庭草碧風煖檻花新骨
肉情何重詩書味獨真好將菜綵意早晚悅雙親

述懷谷東田弟

六十不歸去八年空及瓜何時觴北渚陪汝奕東沙仙
構須依竹吾廬亦寄槎麇吟猶有日棠棣正敷華

張文定公四友亭集卷之五

張文定公四友亭集卷之六

五言律體

院中四詠

次玉溪宮宿韻

六年淹散署幾度此看山月露躋攀處雲霞嘯詠間
畫舍岩栢靜晚映水花間與雨尋常事何時慰大寮

方沼

仙界緣非偶方塘又屬公靈源通太液御脉引青宮
春動玲邊色雲生筆底風芙蓉開指日歡賞莫教空

薔薇花屏

繁條歸約束清畫儼薔薇傍路如迎客迴薰直透衣
紆

青平布錦張碧開揚非信是裁成手相看煮不違

紫藤花

因憶舊感懷

與爾三生契栖遲在處花自應憐宿鳳何必詫爲蛇金
掌分擎露銓曹憶醉霞願公高設幄天漢共清華

遊雪竇寺二首

名山禪刹古瀛海列仙居昔感君王夢今來刺史車穿
雲驚宿鷗墜水伏游魚落日有餘興秋風思結廬
自喜成真隱何慚賦遠遊花開白日晚雲起碧山秋醉
訝眠銅雀狂思駕玉虬出門鍾磬發驅馬一回首

洞僧

幽林無過客僧自袈裟袈裟一日來仙騎三食供彩霞障
心開法界翳眼失空華坐語歸禪定儵然到晚鴉

入隆山

雲山久相遠忽見令心悅况茲春已深兼值雨初歇岡
巒翠欲流蒲柳柔堪結蒼松晻曖間行行閱香雪

壽慈谿沈松逸翁

信美慈湖景奇山面面同人行明鏡裏鶴唳翠屏中瀛
海風塵迥烟霄雨露通蒼松長不老歲晚伴仙翁

又次孟有涯韻

陰雲解薄暮澤國銷煩烝屋舫鏡中出月輪屏外升玉

管妻鳳竹金風厲虬藤星河如有意洽此良宵朋

臨湘夜泊

湖南秋盡日衰草尚萋萋露冷衣裳薄江平象緯低菊
花明遠渚蘆葉暗長堤千古湘妃意君山色自淒

舟發鄖陽東同行諸寅長

馳車上鄖國盪槩下均州滑磴疲行役危灘亂客愁知
音空海宇勝事滿丹丘大山神仙府乘風上上頭

春雪

次無涯子
韻二首

幾日江城雪寒深酒失嚴青山無地覓白髮不妨霑客
思愁成賦鄉心坐捲簾後覩新塑罷旋看素毛添

矯矯孟夫子生平不解愁才高白雪調住近黃岡樓得
酒群豪集投簪百事休金魚五得解與爾醉南州

樂泉軒

次韻

神功應有待發石迸幽泉一日開靈秘千秋膏瘠田竹
爐時洗俗松逕或逢仙化作金莖露恩波下九天

水閣春宴

和楚
王韻二首

鏡裏弄晴和樽前動楚歌汀花春閃閃宮樹晚娑娑靜
影棲杯王浮光入扇羅陳王多逸興詩酒遊相過
憶昔抱雲和山陰鏡裏歌仍來凌浩渺莫厭舞婆娑困
跡嘗思遠冥翰不受羅曲終人忽醒湖上片雲過

取日岩

萬壑正昏黑懸岩映曉紅地臨暘谷近路與扶桑通莫
憶魯陽劍未論仁傑功寅賓明盛日熙載亮天工

醒樂

李子遷駕部
尊甫之彌

獨對秋潭影醒恬濯後神狂醒豈物性煩惱只吾身醫
淨珠長照塵空鑑自新先生先覺者開後及斯民

五言排律

二十五首

且翁升生日不果稱壽詩以將情

幾年湖海興此日故園栖自秉松篁操寧趨桃李蹊孤
懷澄水鑑雙眼辨黃驪獻祝慙隣近爲歡劇耄倪黃花

如喚酒香稻正催雞更擬乘佳節呼童釘栗梨

壽覃湖先生六十

佐水分東甬桃源合鏡川秀鍾人迥別官好譽喜懸鄉
國文章勝宗門甲第先風標映南楚雲雨霑澶淵賈傳
空羣思河間絕代賢遠心流漢月飛夢遶姑泉歲紀週
花甲春陽動隔年

贈張惕菴都憲致仕

萬里荆梁道芳譽屬路碑佐宗紆需澤功顯渥恩私白
下風烟勝鍾山草樹滋脩鱗自長壑鳴鳳茂高枝雲臥
仍衣關官翰擬奉祠典刑常在目無喜慰親知

壽長史覃湖林祖七十生日

鏡水龍迴脉槎川駿發祥德門專秀泚文苑耀篇章
第嚴光燁分符惠澤長貌克惟見卜願解共譽正寒室
温春煦虛庭競晚芳經綸書滿架懷抱酒盈觴正仰東
平樂仍遭賈傳良日浮袍錦麗雲簇帶花香綉虎才無
敵籠鵝思莫量疇怡調獮士偃倭接童行華旦歡逾洽
稀齡福未央肆筵仙井列鈞箔鳳山蒼貞幹摧殘臈元
鈞轉泰陽遙瞻情不極歌鶴綬南翔

送王偉立之官南京

家學東甌古時譽

帝國新冠裳初傍日華萼正榮春揮塵豪無敵探驪捷
有神澄心上池水濯髮消盤津白下重游地燕臺未老
身吳鉤贈君別舍咲立風塵

晚霽登山

斜日鄮城西籃輿度碧溪遠峰收宿雨深樹出晴霓
險還長屐躋危但瘦藜泉清沙露篆天淨月懸珥蘭寺
寒無賴荒碑舊有稽巖濤終日吼山鳥爲誰啼列缺遙
堪踴諸台近可梯勝遊專邃古美境最東鞬獨鶴來何
暮群仙望不迷且窮今日興千載看留題

壽林母華孺人八旬生日

櫟水家聲古槎川世澤長慈哀天所厚貞德地俱方廟
謹蒸嘗節厨分老少棖集疏充膳品捐錦但漱袞懿牀
能移俗劬勞實倍常課孫高擢第教子早承芳積盛徵
終顯修完老轉康瑤池歡未畢霞綵舞成行閭範家之
瑞官箴國以昌習勤諸福會一儉萬謀滅將毋留京苑
思家望越鄉獻樾遙致祝南極正騰祥

送李二守陞山西僉憲

越山崇價日洛客駐車年天漢春波迥殊方霈澤偏大
篇巖竇紀妙墨草堂懸得酒詢陶徑看雲榜剡船忽携
松底鶴仍棄杖頭錢節向南陽弭聲先上黨傳薇歌清

晉水桐葉嗣堯天有道紆長策無荒繼古賢才應宣室
召功擬太常鑄目送冥飛翼三河萬里煙

贊治堂

爲桂洲
宮保盛

虞帝敷文日商宗命說年殊休逢嶽降景運會乾旋祈
穀先分社條桑後籍田制沿三五備恩沐 九重偏寅
直孚

皇極馨香徹

上去有懷皆允若每顧又欣然大雅卿雲爛高堂寶露
懸鹽梅終鼎膺舟楫定江川膏雨蘇林木長風滅塞煙
贊襄 天語褱眷倚

聖心專自許平生業人推絕代賢汗青千載下仍見
諧篇

壽唐太夫人八旬生旦

漱水通丹井僊華接婺星薰風千樹碧長日四山青
境神彌爽酣歡意轉惺閩閩齊作範孫子遍傳經極品
看龍誥層霄挹鳳翎華夷諮啓履符籙縱年齡泉月名
俱澈溪蘭德共馨升堂未由得緘句侑醅醴

送周約菴都憲總漕淮陽

國儲羅海嶠臺憲儼星軺華貂方胥慶徐揚正不聊
新恩隆上秩宿譽滿中朝風紀清沙漠文章煥斗杓德

流川蕩滂
百嶽嵯嶢日月環霜戟雲霞夾麗譙論交
看白髮惜別坐青宵望望長淮水台光拂曙霄

壽黃太泚人鮑氏八旬生旦

次孟有
涯韻

瑞應開枚卜沉幾遠否臧遡緣天作合論德地無疆女
誠閑曹室冬蠃斯嗣洽陽詒謀在孫子先訓見羨墻素節
寒潭淨清風碧海長恩輝類

帝闕福履滂仙鄉奕葉看繩武丕基親肯堂八旬猶鬢
髮三世並斑裳洲秀專旣鮑聲華集洞黃菊搖晴瀑影
梅放小春香寶婺明秋帙瑤池列曙觴瞻雲宗伯思千
里薦瓊芳

對雪

次金鶴鄉
內翰韻

素質空埃壙，瑤華入卷書。
牢籠真愧我，清灑倍憐渠。
駿足長途阻，靈襟鎮日虛。
有緣聞郢曲，無地覓湘瑤。
老樹偏愁鳥，澄潭正蟄魚。
兩儀摩軋裏，六出剪裁餘。
逞巧低猶奮，凌空密更踈。
嚴寒當鼎革，妙舞傍人徐。
轉覺罪微處，全疑混沌初。
夢醒衾意薄，梅落笛聲嗑。
振羽聊相戲，揮鹽似不如。
王堂風肆好，引領步蟾蜍。

壽張太安人九十生日

延淵別駕之毋

淑氣嗟場谷，春雲覆紫冥。
瑤池觴湛露，位毋駐華軒。
毫境心彌爽，幡顛眼倍青。
獻桃皆晚輩，舞彩亦稀齡。
趾美

班姑傳霑榮漢帝庭諧徽或東曾分鼎直南寧簪紒來
何盛絃歌奏莫停草庭如送喜梅壑故為醒細杵姮娥
藥翻瞻婺女星滄瀛莫清淺吾欲醲醑醑

輓廷尉沂樂易老先生

江介盤龍地精華萃國琛魁梧天植表冲豁海為襟白
馬乾坤遍丹衷日月臨清霜嚴棘寺膏雨茂棠陰百鍊
光逾發千鈞力自任不纓三惑境頻卻四知金仗鉞綏
羣獠端居慄孔壬桑榆看壯節五壑振高吟巴夔遭逢
暮風塵慰藉深并瞻華表雀悽斷碧雲岑

宿子雲書院

信信橫雲宅林塘正物華草玄期聖哲遭世合龍蛇殘
黑魚翻沼遺文鳥印沙劇秦言故孫刺莽意偏賒盡閣
郢城外長亭澆水涯獨紆千古思跌坐月輪斜

送郡守賜殿之還蜀

漁復經游地公歸感興頻煙霄真稅駕風月故依人水
國恩徧洽東曹績未陳棠陰高覆海竹馬競瞻春別是
恒悲卞樞翁竟誤倫四知常照睫三惑肯迷真垂橐臨
岐路携琴向遠津長江未云險浮俗轉堪嘆白帝層城
外青衣野渡濱寄聲諸士子萬古一流塵

壽祖母舅和軒梁公八十初度

遊歷五縣日人躋八秩年更誰心不競宜爾福俱全勝
草苑寒香芳洲鼓吹填祥薰催送酒青鳥速登筵宅相
鍾多如家聲續上賢康強天錫嘏蕭散此行仙仲路門
前米妾詩屋外泉福巾花溼底鳩杖竹籬邊和客仍新
句詒孫只舊壘櫪風陶令菊春水鑑湖船罌胆通三島
滄溟會百川大顏看似董還筭卜如錢令伯陳情表羸
候至涓篇清輝耀南極長跪獻華笈

輓董山陰先生

水部寒冰玉霜臺蕭澗瀨舉盃翻海月落筆走岷泉京
國三春雨長江萬井煙御機心有眼游丹日無全魏相

佳時策韋翁授子編躋榮猶白屋授老耒華顛末學承
知獎傲才肯棄捐寓懷芸閣上遣興竹林邊憶別臨東
雨來歸自蜀川夢蒐荆樹繞遠以室草堂懸哀角寶幢豎
疎鍾南郭阡相思不可見揮淚編詩篇

送李宗器都關

氣吸滄溟盡光依若木晴英蒙萬人敵文雅一書生分
闔聊荒服旋樞擬鳳城日浮江漢水秋入洞庭清金闕
沾恩渥天庖錫饌榮會看如斗印繫肘谷昇平

壽宗秭祖葵軒公七十

石脉分南蕩雲根結四明地靈天注福人傑世翰榮鶴

錦華庭對龍章耀國禎仙翁老更健王母步偏輕謝德
宗人倚蘭姿座客驚仁誠予里閭孝弟感宗祊模範真
前輩詩書淑後生正看康莊祿還覩翊昇平家事鴻開
緒儒林駿發聲有基終肯搆無地自畱耕菊院秋風細
薇庄曙月清遙瞻情不極目送鴈南征

送裴景文妹丈還

璧水春回處相逢瀚海郎風姿渾玉雪談笑盡文章畫
永頰更儻宵寒或對床悲歡懷往事居起及高堂放鶴
青雲閣呼僧翠竹房層臺臨象緯絕磴俯鸞鳳草長槎
潭碧煙銷越樹蒼無由逐君去翹首鴈成行

送林進士使還

長江不可極，歲晏遠行舟。
雪煖青山館，天空黃鶴樓。
風情今道侶，詞賦古名流。
玉簫懷水映，瓊筵欠白浮。
九霄看使節，萬里念宸遊。
欲寫羈臣思，憑君達冕旒。

寫懷

次周子庚都諫讀

羈懷無地寫，惆悵獨登樓。
路阻愁千疊，心違日幾秋。
未應年及壯，遂使鬢凋稠。
湖海雙明眼，風塵一敝裘。
踈櫓當夜啓，晴漢傍人流。
北斗平堪酌，南箕近可鉤。
蒙莊齊壽夭，詹尹託姬丘。
事與流塵換，人於造物儔。
遠山纖月白，高閣片雲浮。
得酒且復飲，鳥鳴庭樹幽。

壽金惟深先生

玉樹輝晴畫金徽奏北堂共醉多且肯無頌美還彰於
越新編草東吳舊稅棠吏驚驄馬道人仰白雲鄉昔色
滋清障花姿媚舞觴雲霄忽回首會見彩鸞翔

六言絕句

新春漫興 三首

寒當一日二日路遶千山萬山道在不妨居陋形勞自
覺心閒

北渚更踰南嶽九疑遠顧三湘浩蕩曾懷誰似漢朝司
馬子長

去日米霜粟粟歸途楊柳青青借問詩囊何有天南衡
嶽洞庭

張文定公四友亭集卷之六

張文定公四友亭集卷之七

七言古體

三十二首

赴內書館值陰霾風烈王河浪花濺人次日東

同寅

昨日行經王河上浪花騰空光景移南山北山互昏晦
十步九步成顛危豈無漠海培風翼欲訪高陽酌酒兒
安得長裾拂若木旭日復照高岡枝

題畫

內書館
走筆

澹煙游絲晝寂寂拂花東風軟無力楊柳依依盡日垂
野禽一嘯春生色牡丹原稱富貴花古來開謝幾人家

惟有乾坤專大業春深無地不繁華

遊天井山

侵晨驅馬登高岡頭亭亭萬松立蕭穆如迎好客來
雨花灑道春袍濕懸崖草長煙色深碧澗灘高水聲急
憑空悵然思帝閣滿山瑤草誰收拾

題畫竹

江南夕厭風塵夢此君軒外誰親種白石蒼苔自洒然
明月清風解吟弄天移谷變長不秋七賢六逸名俱重
蔡邕已去空異音露冷幽枝泣孤鳳

南康對雪

江行十日不見日天女散花惟六出鄱陽水濶風更寒
獨向中流歌曲岬

見日

雪裏看山惟一色界以江湖如玉折烟銷日出能幾時
依舊天空山水碧

苦寒

雪後復雨雨復雪彌月江天無日月臨風一誦卿雲歌
翹首重華在宮闕

題扇圖

夫容列秀青遙遙野人生計唯漁樵竹籬茅舍掩終日

門前碧樹風蕭蕭誰遣朝廷識名姓官舟督促乘秋潮
秋潮一刻瀉千里會見仙槎騰九霄

扇面梅花

爲姚文
韶賦

玄枵西來百物槁東君別去音塵杳一夜山中香雪寒
小窓白破乾坤曉逋仙骨瘦吟蒐清策杖西湖伴鶴行
詩成海雀一聲唳千樹萬樹春風生

題扇圖

倒影入江江水碧策蹇秋風暮歸客萬樹深林莫早眠
西湖月出長堤白

雨後江山如畫

江雨初歇江雲碧千山萬山如潑墨岬柳汀葢處處煙
鷺綠點破長江色

題枯木寒鴉圖

贈別王戶部

西風落葉欲滿地颯颯秋藤掛枯樹天寒日短空遠心
戢翼荒岑未能去昔年刷羽登天池遨遊若木晞晨暉
湖山落寞非所依雲霄萬里遄其歸

輓楊總兵

邊關昔日施長纓璽書幾度褒忠精陰山獨屨漢家蹟
匈奴舊識驃姚名暫辭京闕下江漢三千徒御皆無聲
仗劍行期靖郴嶺數奇已恨同陰陵湖南霰雪日夜零

旅魂不化寒雲凝安得壯士寧

神京悵望霄漢空沾

膺

臨城曉行

沙溝昨日溝水冰侵晨急雪飛臨城狐裘羶車苦粟烈
朔風征馬蕭蕭鳴春入滕陽碧草露雲開鄒嶧孤桐清
丈夫辛勤莫自惜此身爲國擔隆平

送舜甫弟省母携姪東歸

客子天涯回首頻美人江南勞問津鳳城十載一相見
母子弟兄歡莫倫憐君天性孝且友棋局酒盃吳邈秦
伐木鳩工觸寒暑拏舟策騎忘劬辛我今堂構坐而有

汝亦便合謀其身插秧南疇愛同茹采菱西港娛比隣
念昔先人陷計薄楷書四世猶如新佃人一一記饒足
侵蝕况肯欺孤貧祖考仍昭日星志幽微不損絲毫仁
起身興閥必有自予奪天也非由人敬唐四十祿三品
誓無腴已媵生民進當錫福海嶼外退即明農烟水濱
願君輔我以終老且安素履承蒼旻庶詒孫謀燕翼子
讀書屨善名長新中年生兒今十五似續伯氏敦親親
潞河將冰戒舟楫携歸勤汝完婚姻九十慈幃尚京苑
心欲相從嗟未因淚滋生別不可忍越山鴻鴈紛來賓
海嶽消埃幾時盡終當解組怡吾真

海天春曉圖

爲桂洲閣老題

終風自昔苦霾曠今日何日春熙熙若木光搖碧海外
夫容秀出青天涯鯨鯢蛟鱷伏不動千流百壑爭相隨
禹貢全收島夷盡越裳正與滄波期調元機入擾龍手
浴日源通丹鳳池麟堂披圖有餘興游宇廓清功更誰

東澗

甬江之東東海涖澗水泠泠落落松子西風莫遣俗客來
累我澗邊重洗耳

九月四日復良升祖卧病詩以問之

壬戌年時年十九

數日寂寞臨書窓玉人不至虛秋光關山遠別固其理

寸步難見斯可傷
颯落葉鳥驚散
蟋蟀在牀天氣涼
也知人生惟重九
君起且看籬菊黃

鄭溪發舟追憚汪黃三公不及

四月雨過雲滿溪
驛吏送酒不盈卮
青山迢迢碧樹低
獨立船頭沙鳥啼
清風故人會面稀
四載湖湘悲此離
竭來邂逅天之涯
對酒復誤尚書期
李郭聲名四海馳
仙舟不共令人嗤
盤溪水急去如飛
我欲追君君不知

題畫

內書館爲
中監走筆

垂楊拂水波粼粼
清秋意象何鮮新
翠禽一箇立危杪
睢鳩兩兩鳴相親
鷺絲雖好心匪仁
腥我蒼洲之綠蘋

幽林落日爾飛去慎勿重來窺紫鱗

清夜吟

壬戌歲

木葉脫盡無餘聲寥廓一天唯月明
牆頭春意發踈蒨安知造物元無情
歛興窓前起危坐簡編獨對挑寒燈
西風忽向竹林起徹夜枕邊天籟鳴

有爲許泰總兵索贈言者漫應一首

先皇垂衣思武功兵樞特授東山翁

殿前敷奏第一人才畧信是千夫雄
即今豺狼滿人眼能使英豪坐衰晚
丈夫勲業會有時斗大金章定君綰

秋江吹笛扇圖

幽鴻斂翼棲空山千里萬里心無極金鷗日夕揮歎蒸
浮雲無那長緯繡一夜清霜百卉腓江上何人故吹笛
笛聲吹破天字秋得意層霄展雙翮

懷陳宗望

故人西向吳山阿幾度歸來不我過席間函丈久違問
夙昔志業今如何如今仲蔚蓬蒿裏夜夜相尋度溪水
覺來起視明月光宛在何方水中泚

送鍾筠溪戶侍還山

次浚川大司馬韻

崖州海外隣仙都蓬島映照天南隅
藟榔有宿食琅玕芝草皆前圖
王署當年別來久卿曹復幸從公後

瘡痍載路感綏柔譜謀歸宗知孝友封章一日辭
嚴宸風塵萬里飛朱輪百年何處覓知己男兒到此稱
全人文光遙遙接南極莫更南山歌白石穿楊絕技未
堪誇善射不如能善息洞門石筆何銛廉筆花入夢驚
江淹 聖皇圖治還求舊肯使雲霖終傳巖

壽袁母

華堂美酒人如玉明月軒櫺光燭燭紫泥金縷風色寒
碧海瑤枝露華馥秦樓頭白尚聞簫倫丹却咲姮娥獨
題松下携琴圖

碧山悠悠高插天盡日松風鼓天籟造物以我爲知音

許我山中獨行邁我亦携琴欲和之此心已寄浮塵外
聾俗繁音恐不聞天地無聲亦應解

送毛巡檢之任平圃

禁城風暖花欲然馬蹄急蹴雲霞穿黃金枝下綠尊倒
遙望嶺南春可憐嶺南物色紛華彩花竹四時長不改
一別何當萬里心幾欲乘槎泛溟海

送清戎楊侍御還南京

青驄白下豪無侶獨秉忠清事真主天涯冰雪照峨眉
眉筆底風霆動寰宇雲端鶴舉光陸離惜也我獨瞻來
遲沿流百丈日千里雖有神駿無由追川西水旱連江

左十家九室無炊火 天子深知范老憂
諫草夕焚朝奏可卻金鷲識關西名探玄復上楊雲亭正欲相隨恨相別安得爲雲歸秣陵

送襄陽鄭伯興節推揚州

時孫公祿爲揚州守

揚州太守天下稱節推更得人中英撫循百姓共今日
何事腰錢騎鶴行送君南行復南馳大江只尺環蕪城
濟川舟楫滿眼在江中風浪何時平

海仙卷

爲方伯龔公慙龔公風骨奇濟先以前江叅政養病歸東海十有三年不與世

接人目之爲海仙云

丈夫出處自有道仙翁海上思終老一朝

帝遣護蒼生却笑安期窮海島心淵澄徹風骨竒由來
不受緇塵欺不妨瀟洒在人世海仙獨瘦人人肥近聞
海仙欲歸去請爲人間強留住海中黑浪排蒼空免使
吾曹太無據

春風第一

東風昨夜梅玉新百草不敢先霑春璫樓淡月轉踈影
回首千林誰絕塵

題雙鳩睡花枝圖

內書
館作

鳩性愛雨花愛晴同倚東風不同情春光二月濃於酒
雙鳩醉寐不復鳴雙鳩不鳴花相語無令鳩醒教天雨

張文定公四友亭集卷之七